

**FRAMKVÆMDARREGLUGERÐ FRAMKVÆMDASTJÓRNARINNAR (ESB)  
nr. 918/2014****2015/EES/8/38**

frá 22. ágúst 2014

**um breytingu á framkvæmdarreglugerð (ESB) nr. 540/2011 að því er varðar skilyrði fyrir  
samþykki fyrir virka efninu ógreinótt fiðrildaferómón (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE <sup>(1)</sup>, einkum c. lið 2. mgr. 13. gr.,*og að teknu tilliti til eftirfarandi:*

- 1) Virka efnið ógreinótt fiðrildaferómón var fært á skrá í I. viðauka við tilskipun ráðsins 91/414/EBE<sup>(2)</sup> með tilskipun framkvæmdastjórnarinnar 2008/127/EB<sup>(3)</sup> í samræmi við málsmeðferðina sem kveðið er á um í 24. gr. b í reglugerð framkvæmdastjórnarinnar (EB) nr. 2229/2004<sup>(4)</sup>. Þar eð reglugerð (EB) nr. 1107/2009 kom í stað tilskipunar 91/414/EBE telst þetta virka efni samþykkt samkvæmt þeirri reglugerð og er á skrá í A-hluta viðaukans við framkvæmdarreglugerð framkvæmdastjórnarinnar (ESB) nr. 540/2011<sup>(5)</sup>.
- 2) Í samræmi við 25. gr. a í reglugerð (EB) nr. 2229/2004 lagði Matvælaöryggisstofnun Evrópu, hér á eftir nefnd Matvælaöryggisstofnunin, sjónarmið sín varðandi drög að endurskoðunarskýrslu um ógreinótt fiðrildaferómón<sup>(6)</sup> fyrir framkvæmdastjórnina 13. desember 2013. Matvælaöryggisstofnunin gerði tilkynnanda grein fyrir sínum sjónarmiðum varðandi ógreinótt fiðrildaferómón. Framkvæmdastjórnin gaf tilkynnanda færi á að leggja fram athugasemdir varðandi drögin að endurskoðunarskýrslunni um ógreinótt fiðrildaferómón. Aðildarríkin og framkvæmdastjórnin endurskoðuðu drögin að endurskoðunarskýrslunni og álit Matvælaöryggisstofnunarinnar, innan ramma fastanefndarinnar um plöntur, dýr, matvæli og fóður, og þeirri endurskoðun lauk 11. júlí 2014 með endurskoðunarskýrslu framkvæmdastjórnarinnar um ógreinótt fiðrildaferómón.
- 3) Staðfest er að virka efnið ógreinótt fiðrildaferómón telst samþykkt samkvæmt reglugerð (EB) nr. 1107/2009.
- 4) Ógreinótt fiðrildaferómón er hópur ferómóna sem skordýr af ættbálknum Lepidoptera mynda á náttúrulegan hátt. Þau hafa samskonar byggingarlega skilgreiningu og verkunarmáta. Í endurskoðunarskýrslunni um ógreinótt fiðrildaferómón (SANCO/2633/2008) er skrá yfir einstök efnasambönd sem hafa samskonar byggingarlega skilgreiningu og ógreinótt fiðrildaferómón og sem er að finna í leyfðum plöntuverndarvörum. Þessi skrá verður uppfærð eins og við á.
- 5) Í samræmi við 2. mgr. 13. gr. reglugerðar (EB) nr. 1107/2009, í tengslum við 6. gr. þeirrar reglugerðar og í ljósi nýjustu vísinda- og tækniþekkingar, er nauðsynlegt að breyta skilyrðum fyrir samþykki fyrir ógreinóttum fiðrildaferómónum. Einkum er rétt að krefjast frekari upplýsinga til staðfestingar.

(\*) Þessi EB-gerð birtist í Stjtið. ESB L 251, 23.8.2014, bls. 24. Hennar var getið í ákvörðun sameiginlegu EES-nefndarinnar nr. 271/2014 frá 12. desember 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. ESB L 309, 24.11.2009, bls. 1.

(2) Tilskipun ráðsins 91/414/EBE frá 15. júlí 1991 um markaðssetningu plöntuvarnarefna (Stjtið. EB L 230, 19.8.1991, bls. 1).

(3) Tilskipun framkvæmdastjórnarinnar 2008/127/EB frá 18. desember 2008 um breytingu á tilskipun ráðsins 91/414/EBE í því skyni að bæta við nokkrum virkum efnum (Stjtið ESB L 344, 20.12.2008, bls. 89).

(4) Reglugerð framkvæmdastjórnarinnar (EB) nr. 2229/2004 frá 3. desember 2004 um nánari reglur varðandi framkvæmd fjórða áfanga vinnuáætlunarinnar sem um getur í 2. mgr. 8. gr. tilskipunar ráðsins 91/414/EBE (Stjtið. ESB L 379, 24.12.2004, bls. 13).

(5) Framkvæmdarreglugerð framkvæmdastjórnarinnar (ESB) nr. 540/2011 frá 25. maí 2011 um framkvæmd reglugerðar Evrópuþingsins og ráðsins (EB) nr. 1107/2009 að því er varðar skrána yfir samþykkt, virk efni (Stjtið ESB L 153, 11.6.2011, bls. 1).

(6) Matvælaöryggisstofnun Evrópu: „Conclusion on the peer review of the pesticide risk assessment of the active substance Straight Chain Lepidopteran Pheromones.“ *Tíðindi Matvælaöryggisstofnunar Evrópu* 2014 12(1), 3524. 537 bls. doi:10.2903/j.efs.2014.3524. Aðgengilegt á Netinu: [www.efsa.europa.eu/efsajournal](http://www.efsa.europa.eu/efsajournal)

- 6) Því ber að breyta viðaukanum við framkvæmdarreglugerð (ESB) nr. 540/2011 til samræmis við það.
- 7) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

*1. gr.*

**Breyting á framkvæmdarreglugerð (ESB) nr. 540/2011**

Ákvæðum A-hluta viðaukans við framkvæmdarreglugerð (ESB) nr. 540/2011 er breytt í samræmi við viðaukann við þessa reglugerð.

*2. gr.*

**Gildistaka**

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 22. ágúst 2014.

*Fyrir hönd framkvæmdastjórnarinnar,*

*forseti.*

José Manuel BARROSO

---

## VIÐAUKI

Í stað 255. línu um virka efnið ógreinótt fjörlíðaféromón í A-hluta viðaukans við framkvæmdarreglugerð (ESB) nr. 540/2011 komi eftirfarandi:

Númer	Almenn t heiti, kenninúmer	IUPAC-heiti	Hreinleiki	Dagsetning samþykkis	Samþykki rennur út	Sértræk ákvæði
„255	Ógreinótt fjörlíðaféromón (e. <i>Lepidopteran Pheromones</i> )	Endurskoðunarskýrsla (SANCO/2633/2008)	Endurskoðunarskýrsla (SANCO/2633/2008)	1. september 2009	31. ágúst 2019	A-HLUTI Einungis má leyfa að efnið sé notað sem líðunarefni. B-HLUTI Við framkvæmd samræmdu meginreglnanna, eins og um getur í 6. mgr. 29. gr. reglugerðar (EB) nr. 1107/2009, skal taka tillit til niðurstaðanna í endurskoðunarskýrslunni um ógreinótt fjörlíðaféromón (SANCO/2633/2008), einkum í I. og II. viðbæti við hana, í lokagerð fastanefndarinnar um plöntur, dýr, matvæli og fóður. Skilyrði fyrir notkun skulu taka til ráðstafana sem miða að því að draga úr áhættu, eftir því sem við á. Tilkynningin skal leggja fram upplýsingar til staðfestingar á: 1) erfðaeitureiginleikum efnasambanda aldehýðhópa, 2) váhrifum á menn og á umhverfið sem stafa af mismunandi notkun á ógreinóttum fjörlíðaféromónum sem plöntuverndarvöru í samamburði við náttúruleg bakgrunnsgildi þessara féromóna. Umsækjandinn skal leggja fyrir framkvæmdastjórnina, aðildarríkin og Matvælaöryggisstofnunina upplýsingar sem eru settar fram í 1. lið eigi síðar en 31. desember 2015 og upplýsingarnar í 2. lið eigi síðar en 31. desember 2016.“